



Inatsisartunut ilaasortaq
Anthon Frederiksen
Partii Naleraq

§ 37 naapertorlugu apeqquteqaammut nr. 181-imut akissut, Ilinniartut Danmarkimi ilinniarnermi ineqarnermut akiliutinut marloriaammik akiliisarnerrannut tungasoq.

Asasara Anthon Frederiksen

Ilinniartut Danmarkimi ilinniarnermi ineqarnermut akiliutinut akiliuteqartannginnissaannut periarfissat pillugit apeqquteqarninnut qujanarujussuaq, taamaaliornikkummi marloriaammik ineqarnermut akiliuteqarnissaat pinngitsoortinneqassamat.

Imatut apeqquteqarputit:

- 1. kalaallit ilinniartut piffissap ilaatigut danmarkimi ilinniaqqittariaqartartut, kisiannili nunatsinni najungaqtartut, nunatsinnilu kollegiamut najungarisamut akilersuisut, danmarkimiinnermimi najungarisamut akiliisariaqartartut, nunatsinni kollegiamut piffissami danmarkimiinnermi akiliinngikkallarnissamut qanoq periarfissaqarpat ?**

Akissut:

Sammissaq apeqquteqarfigisat Ilinniagaqarnersiutit pillugit Namminersorlutik Oqartussat nalunaarutaanni nr. 5, 27. marts 2015-imeersumi § 41-imik malittarisassaqtinneqarpoq.

"Iltersuisumit inassuteqartoqareerneratigut Ilinniagaqarnersiuteqarnermut Naalakkersuisoqarfik tamassuminnga qinnuteqartoqareerneratigut aalajangiisinnavaoq ilinniagaqartup angalanernut aningaasartuutigisariagaanut aammalu akunninnermut aningaasartuutigisariagaanut tamakkiisumik matussusii-soqarnissaanik, takukkit imm. 2-5 makkununga atatillugu:

- 1) ilinniagaqarnermik aaqqissuussinnermi taaneqarsimasunik pinngitsoorani naammassisassanik pingaarnerusunillu naammassisassanik suliarinninnermi imaluunniit immikkut sammissaq pingaarnerusumilluunniit naammassisassamik suliarinninneq ilinniagaqarnermi pineqartumi immikkut pisinnaasaqarfiulerpat,*
- 2) ilinniagassanut tungasunik suliaqarluni qaammammit ataatsimit sivilunerusumik suliamik sungiusarfimmiinnermi,*

03-08-2015
Sagsnr. 2015-6979
Dok. nr. 815567

Postboks 1029
3900 Nuuk
Tlf: +299 34 50 00
Fax: +299 32 20 73
Email: iiknn@nanoq.gl
www.nanoq.gl

3) ilinniagassanut tunngasunik suliaqarluni ilinniarfimmi allamiinnermi, ilinniakkamut tunngatillugu pinngitsoorani ilinniarfimiittoqartussaappat ilinniagaqarnermullu aaqqissuussinermi taaneqarsimappat imaluunniit ilinniarfimiinneq ilinniagaqarnermi pineqartumi immikkut pisinnaasaqarfiulerpat

4) ilinniagaqalernissamut pinngitsoorani misilitsittussaannermi. Imm. 2. Kalaallit Nunaanni Kalaallillu Nunaata avataani ilinniarfimiinnermi aningaasartuutitut pisariaqartunut tapiissutit aalajangerneqassapput ilinniarfimiinnermi qaammammut aningaasartuutitut procentinngorlugit, taamaalilluni ilinniarfimiinnermi aningaasartuutit.

1) kr. 4000 tikillugit 100%-imik matuneqassallutik,

2) kr. 4000 aamma kr. 10.000 akornanniittut 75%-imik matuneqassallutik, aamma

3) kr. 10.000 sinnerlugit 50%-imik matuneqassallutik, annertunerpaamilli kr. 10.000.

Stk. 3. Imm. 1-imi 2-milu aningaasartuutit taaneqartut tamarmik pisariaqartutut uppersarneqarsimassapput ilitersuisumillu siumut akuerineqarsimassallutik. Tapiissutit annertunerpaamik semesterimut ataatsimut tapiissutigineqartassapput.

imm. 4. Angalaneq taamaaliortoqarsinnaappat ukiumoortumik ilinniagaqannginnermi angalanermut atatillugu inissinneqassaaq, takuuk § 38.

Imm. 5. Paasisassarsiorluni angalanernut paasisassarsiornernullu tapiisoqarsinnaanngilaq.”

Tamanna isumaqarpoq ilinniartut Kalaallit Nunaanni ilinniarnermiinnut atatillugu Danmarkimi suliffimmik misiliinermi aningaasartuutit qanoq annertutiginersut apequtaallutik angalanermut najugaqarnermullu aningaasartuutitut tamanut attuumassuteqartunut 100%-imik akiliunneqarsinnaasut. Taamaattoq aningaasartuutit uppersarneqarsimassapput, pisariaqartinneqarsimassapput siunnersortimiillu akuerineqareersimassallutik. Annerpaamik semesterimut ataatsimut tapiissutinik tunniussisoqarsinnaavoq. Angalanissaq ajornanngippat ukiumoortumik akiliutsilluni angalanermut atatillugu piareersarneqarsimassaaq.

Ilinniartut ineqarfii pillugit Namminersorerullutik Oqartussat nalunaarutaanni, nr. 18-imi, 1. november 2007-imeersumi § 34-imi, imm. 3-mi ima aalajanger-saasoqarportaaq;

”Ilinniartut ineqarfianni najugaqartup najukkami allamut attartortissinnaanera pisinnaatitaaffinngilaa.

Imm. 2. Ilinniartut ineqarfianni najugaqartoq ilinniartut ineqarfiisa allaffeqarfiat akuersitissimanagu najukkaminik najugaqartoq alla paarlaasseqatigisinnanngilaa.

Imm. 3. Ilinniartut ineqarfianni najugaqartoq illoqarfiup ilinniarfigisap avataani sungiusaammik suliaqartussaap imaluunniit atuarallartussaap peqannginnerminni ilinniartut ineqarfiini inigisaminnik atugassanngortitsinissamut pisisaaffeqarpoq, peqannginnissaq sivikinnerpaamik qaammatinik marlunnik sivisussuseqarpat. Ilinniartut ineqarfianni najugaqartoq inigisaminik ilinniartut ineqarfiisa allaffeqarfiannut atugassanngortitsisoq peqannginnermini inigisamut akiliuteqassanngilaq.”

Tamanna tungavimmigut isumaqarpoq ilinniartooq illoqarfiup ilinniarfigisap avataanut suliffimmik misiliigallartooq imaluunniit atuariartorallartooq peqannginnermini ilinniartut ineqarfianik ilinniartut ineqarfiinik aqutsisoqarfimmut atugassanngortitsinissamik pisussaaffeqartooq, peqannginnissaq sivikinnerpaamik qaammatinik marlunnik sivilissuseqarpat. Taamatut peqannginnermi ilinniartut ineqarfiani najugaqartumut ineqarnermut akiliutinik akileeqqusisoqarneq ajorpoq.

Inussiarnersumik inuulluaqqusilluta
Med venlig hilsen



Nivi Olsen